

X. KAZNENE ODREDBE**Član 107.****(Kazne za prekršaje)**

(1) Novčanom kaznom u iznosu od 1.000,00 KM do 5.000,00 KM kaznit će se za prekršaj naučnoistraživačka organizacija, ako:

- obavlja rad suprotno ovom zakonu,
- odjeljuje naučna i istraživačka zvanja ili vrši izbor naučnoistraživačkog osoblja koje ne ispunjava uslove za izbor propisan ovim zakonom i provedbenim propisom.

(2) Novčanom kaznom u iznosu od 500,00 KM do 3.000,00 KM kaznit će se za prekršaj odgovorno lice naučnoistraživačke organizacije ako ne osigura da se propisane radnje u postupku izbora naučnoistraživačkog osoblja provedu u rokovima propisanim ovim zakonom.

XI. PRIJELAZNE I ZAVRŠNE ODREDBE**Član 108.****(Usklađivanje organizacije, rada i općih akata sa odredbama Zakona)**

Naučnoistraživačke organizacije dužne su uskladiti svoju organizaciju, rad i opće akte sa odredbama ovog zakona, u roku od godinu dana od dana stupanja na snagu ovog zakona.

Član 109.**(Završetak započetih postupaka)**

Postupak sticanja istraživačkog, odnosno naučnog zvanja započet od stupanja na snagu ovog zakona okončat će se po propisima koji su važili do stupanja na snagu ovog zakona.

Član 110.**(Donošenje podzakonskih akata)**

(1) Skupština Kantona će u roku od tri godine od dana stupanja na snagu ovog zakona, na prijedlog Vlade Kantona, donijeti Stratešiju iz člana 14. stav (1) ovog zakona.

(2) Vlada Kantona će u roku od dvije godine od dana stupanja na snagu ovog zakona, na prijedlog Ministarstva, donijeti propis iz člana 42. stav (11) ovog zakona.

(3) Ministar će u roku od godinu dana od dana stupanja na snagu ovog zakona donijeti propise iz članova 7. stav (2), 16. stav (3), 20. stav (9), 58. stav (3), 59. stav (4), 62. stav (3), 87. stav (3) i 98. stav (2) ovog zakona.

Član 111.**(Primjenjivanje važećih podzakonskih akata)**

Do donošenja podzakonskih akata iz člana 110. ovog zakona, primjenjivat će se važeći podzakonski akti ako nisu u suprotnosti sa ovim zakonom.

Član 112.**(Prestanak važenja ranijih propisa)**

Stupanjem na snagu ovog zakona prestaje da važi Zakon o naučnoistraživačkoj djelatnosti („Službene novine Tuzlanskog kantona“, broj: 6/99).

Član 113.**(Stupanje na snagu Zakona)**

Ovaj zakon stupa na snagu osmog dana od dana objavljivanja u „Službenom novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština

Broj: 01-02-128-12/17
Tuzla, 27.9.2017. godine

PREDSJEDNIK
Skupštine Tuzlanskog
kantona,

Senad Alić, v.r.

550

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 27.9.2017. godine, d o n o s i:

Z A K O N**O IZMJENAMA ZAKONA O PROGLAŠENJU
DIJELA PODRUČJA PLANINE KONJUH
ZAŠTIĆENIM PEJZAZOM „KONJUH“****Član 1.**

U Zakonu o proglašenju dijela područja planine Konjuh Zaštićenim pejzažem „Konjuh“ („Službene novine Tuzlanskog kantona“, br. 13/09 i 8/14), u članu 3. u stavu (4) broj „8.139,77“ zamjenjuje se brojem „8.645,34“.

Član 2.

Član 4. mijenja se i glasi:

Član 4. (Granice Zaštićenog pejzaža)

(1) Granice Zaštićenog pejzaža su određene karakterističnim tačkama i oblicima reljefa zaštićenog područja kao što su grebeni, kote, vidikovci, kose, zaravnii, platoi i dr., kao i granicama pojedinih katastarskih čestica kao i tačkama sa određenim geografskim koordinatnim vrijednostima.

(2) Granica polazi sa kote 1053 m n.v. „Zelenboji“ i nastavlja jugozapadno u potok „Višnjik“, pa do kote 996 m n.v. „Kalem“, zatim grebenom preko kote 1009 m n.v. „Ploča“ i izlazi na kotu 1104 m n.v. „Ravni bor“ jugoistočno od ove kote, prateći planinsku stazu, nastavlja do kote 1084 m n.v. „Šuplji bor“ izlazeći na kotu 1167 m n.v. „Zidine“ i dalje se pruža do kote 1179 m n.v. „Zavraca“. Desnom stranom zaravni granica se nastavlja planinarskom stazom do najdominantnije kote 1326 m n.v. „Konjuh“.

(3) Prateći greben spušta se na kotu 1191 m n.v. „Bijelo brdo“, odakle nastavlja glavnim grebenom do tačke sa koordinatnim vrijednostima 6 543 789, 4 904 583. Granica odavde skreće u pravcu istoka do koordinate 6 544 821, 4 904 583, gdje se granica lomi i nastavlja u pravcu jugoistoka do tačke 6 545 313, 4 904 140 u potoku Haluga. Odavde granica nastavlja potokom do njegovog spajanja sa potokom Miljevića, odakle nastaje tok rijeke Drinjače. Dalje granica ide rijekom do tačke sa koordinatama 6 545 265, 4 903 475, odakle skreće u pravcu jugoistoka do tačke 6 545 425, 4 903 300 u bezimеноm potoku. Potom granica ide u pravcu juga do tačke na kaniоnskom putu koordinata 6 545 417, 4 902 993 propust bezimеноg potoka. Dalje granica ide prema zapadu do koordinate 6 545 154, 4 902 876, a zatim se penje grebenom na kotu 1008 m n.v. „Kamensko brdo“ i nastavlja zapadno do prve zaravni odakle se grebenom spušta u pravcu ušća Katranice i Srebrnice. Od Srebrnice granica se pruža dominantnim

grebenom i penje se do kote 1109 m n.v. „Velika crna stijena“, odakle nastavlja grebenom u pravcu istoka ka pritoci Borovnica koju siječe u koordinati 6 547 219, 4 898 223. Granica dalje nastavlja u pravcu istoka po izohipsi 750 sve do ušća Borovnice u Drinjaču i nastavlja jugoistočno tokom Drinjače sve do kote 874 m n.v. „Zagradac“, gdje oštro lomi u koordinati 6 549 195, 4 897 822.

(4) Uzvodno kanjonom Bebroštica u širini 150 m granica se pruža do osmog mosta, nastavlja ka jugu na rastojanju 150 m od šumskog puta gdje skrećući ka istoku siječe Bebrošticu u koordinati 6 549 154, 4 894 386 i izlazi na kotu 1008 m n.v. „Tisovica“. Dalje se granica lomi ka sjeveru i siječe glavni put u koordinati 6 549 923, 4 894 695, te nastavlja ka sjeveru gdje se lomi u koordinati 6 549 737, 4 895 246 nastavljajući uz glavni put u pojasu širine 150 m sve do potoka koji siječe u koordinati 6 549 252, 4 897 273. Granica dalje nastavlja u pravcu istoka do kote 896 m n.v. „Negaja“, a zatim do kote 943 m n.v. „Vis“ i nastavlja do koordinate 6 551 403, 4 897 328 u kojoj se oštro lomi ka jugu, prateći šumsku stazu spušta se preko kote 843 m n.v. „Krst“. U nastavku se granica oštro lomi u koordinati 6 551 668, 4 896 257 i nastavlja na dužini 100 m ka jugozapadu, do koordinate 6 551 610, 4 896 177, gdje oštro lomi ka jugoistoku do šumskog puta, nastavljajući pomenutim putem do koordinate 6 551 701, 4 896 192 u Radovom Selu.

(5) Granica nastavlja prvim grebenom do kote 1106 m n.v. „Garež“, a zatim pod ostrim uglom mijenja smjer prema sjeveru praveći zavoj i izlazi na kotu 892 m n.v. „Paljike“ povijajući se prema zapadu do kote 936 m n.v. „Paljevac“ i ide ka sjeveru do sela Brateljevići.

(6) Dalje granica nastavlja do koordinate 6 551 615, 4 897 663, te se lomi jugozapadno do koordinate 6 551 598, 4 897 628. Granica dalje nastavlja južnom granicom parcele k.č. 995 (put) do koordinate 6 551 407, 4 897 640, te pravolinijski nastavlja prema zapadu i siječe parcelu k.č. 789. Zatim nastavlja prema jugozapadu istočnom granicom parcele k.č. 695, k.č. 696, k.č. 697 i k.č. 698, do koordinate 6 551 275, 4 897 330, te nastavlja do koordinate 6 551 214, 4 897 307, odakle dalje nastavlja južnom granicom parcele k.č. 699 i k.č. 700 do koordinate 6 551 106, 4 897 291. Dalje granica ide prema sjeveru, zapadnim granicama parcela k.č. 710 i k.č. 709 do kraja južnog dijela puta to jest parcele k.č. 688. Zatim granica nastavlja južnom granicom parcele k.č. 705/3 do koordinate 6 550 964, 4 897 452, odakle se lomi ka sjeveru zapadnim granicama parcela k.č. 705/3, k.č. 705/2, k.č. 706 i k.č. 465 do koordinate 6 550 979, 4 897 691, odakle se lomi ka sjeverozapadu do južne granice k.č. 463/1, te dalje nastavlja južnom i zapadnom granicom parcele k.č. 462 do puta parcele k.č. 479. Granica dalje nastavlja ka sjeverozapadu južnom i zapadnom granicom parcele k.č. 460 do rijeke Drinjače to jest koordinate 6 550 819, 4 897 843, te dalje nastavlja putem prema zapadu do koordinate 6 550 390, 4 897 787 gdje se lomi prema sjeveru do koordinate 6 550 385, 4 897 816, odakle se lomi prema istoku sjeverozapadnom granicom parcele k.č. 717 i ide do koordinate 6 550 799, 4 898 007. Zatim se granica lomi ka jugu do koordinate 6 550 804, 4 897 995; i nastavlja ka zapadu uz Drinjaču presjecajući lokalitet Kolica, zatim lokalitet Zelen presjecajući Zapaučki potok u koordinati 6 549 408, 4 898 623; odakle se penje u pravcu sjevera na kotu 869 m n.v. i nastavlja preko Osjelina do kote 1058 m n.v. „Plosno brdo“. Granica

nastavlja grebenom na kotu 1015 m n.v., šumskim putem na kotu 1015 m n.v., šumskim putem na kotu „Piskavica“ i na kotu 1017 m n.v., a zatim šumskom stazom do kote 1102 m n.v. „Golo brdo“. Granica se potom penje do kote 1137 „Bukovica“, nastavlja na istok do kote 908 m n.v. izlazeći na kotu 1080 m n.v. „Škrilo“. Odavde se granica spušta prvim grebenom u potok u koordinati 6 550 911, 4 904 367, nastavljajući kolskim putem iznad sela Brdijelji do platoa Kuman sve do kote 922, i dalje na sjever šumskim putem do kote 1207 m n.v. „Bandera“. Dalje nastavlja rubom platoa Javorje, prateći šumski put preko kota 1194 m n.v., 1037 m n.v. „Široka ravan“, 954 m n.v. i 941 m n.v. do lokaliteta Miljkovac. Odavde nastavlja šumskim putem do kote 977 m n.v. „Troš kamen“, zatim preko grebena „Butkovski krš“ od kote 1037 do kote 1075 m n.v. Dalje granica prati greben do kote „Suho drvlje“ 1177 m n.v., pa dalje do koordinate 6 549 728, 4 910 507 na lokalitetu „Šuplji javor“. Dalje granica ide u pravcu sjevera preko kote „Božika“ 1155 m n.v. pa do koordinate 6 549 554, 4 911 770, pa dalje grebenom u pravcu sjevera do koordinate 6 549 747, 4 912 019, na platou „Ravne klade“, gdje se granica lomi do koordinate 6 549 744, 4 912 020, odakle nastavlja grebenom do koordinate 6 548 911, 4 912 388; 6 548 919, 4 912 390 na lokalitetu „Paračka stanica“. Dalje granica ide u pravcu jugozapada do šumskog puta koga presjeća u koordinati 6 548 369, 4 912 523, gdje skreće u pravcu zapada i preko koordinatnih tačaka 6 548 076, 4 912 143; 6 547 767, 4 912 124; 6 547 483, 4 912 013; 6 547 068, 4 912 077; 6 546 558; 4 912 314; 6 546 260, 4 912 379, do koordinate 6 545 600, 4 912 425. Potom se granica lomi pod pravim uglom i nastavlja prema sjeveru presjecajući bezimni potok južno od Tanke kose u koordinati 6 545 543, 4 912 670, a potom nastavlja sjeverno, presjecajući potok u koordinati 6 545 507, 4 913 067, koji se nalazi sjeverno od Tanke kose.

(7) Dalje granica nastavlja sjeverno do presjecanja sa potokom u koordinati 6 545 237, 4 913 944, a dalje nastavljajući sjeverozapadno granicom k.č. 732/1, 731, odakle se kreće prema sjeveru do koordinate 6 544 678, 4 914 658. Potom granica nastavlja ka zapadu izlazeći na put Banovići-Zlača u koordinati 6 544 523, 4 914 658, pa se dalje nastavlja sjeverno pomenutim putem do koordinate 6 544 440, 4 914 724 odakle skreće na jugozapad presjecajući rijeku Oskovu i nastavljajući granicom lijeve obale rijeke Oskove sve do ušća Grab potoka u Oskovu u koordinati 6 544 247, 4 914 802. Zatim granica oštro lomi ka jugu prateći granicu k.č. 1833 sve do koordinate 6 544 350, 4 914 651, odakle pravolinijski ide zapadno do Grab potoka na koordinati 6 544 098, 4 914 636 i nastavlja južno šumskim putem i izlazi na Vitić u koordinatu 6 544 192, 4 913 821 gdje skreće sjeverozapadno na kotu 653, a zatim na koordinatu 6 543 319, 4 913 015. Granica i dalje nastavlja ka jugu do kote 653 m n.v. „Babina greda“ nastavljajući do kote 687 m n.v. „Tisica“, skrećući jugozapadno na kotu 753 m n.v. „Kobilica“ ka koti 656 m n.v. zatvarajući granicu na polaznoj koti 1053 m n.v. „Zelenboj“.

Član 3.

U članu 6. u stavu (1) broj „2.503,39“ zamjenjuje se brojem „3.108,95“.

U istom članu stav (4) mijenja se i glasi:

„(4) Zona A2, sa površinom koja iznosi 1139,65 ha, u zaštićenom području je prostorno definisana slivom potoka

„Studešnica“ i širim lokalitetom „Korita“, „Grob Peje Markovića“, „Djedinska Planina“.

Član 4.

U članu 8. u stavu (1) broj „5.085,62“ zamjenjuje se brojem „4.985,63“.

U istom članu u stavu (3) broj „4.578,30“ zamjenjuje se brojem „4.478,30“.

Član 5.

U članu 10. u stavu (1) broj „550,76“ zamjenjuje se brojem „527,73“.

U istom članu u stavu (4) broj „317,47“ zamjenjuje se brojem „294,45“.

Član 6.

Član 12. mijenja se i glasi:

Član 12.

(Mjere zaštite u prvoj zaštićenoj zoni)

U prvoj zaštićenoj zoni (zoni A) mjere zaštite obuhvataju konzervaciju specifičnih prirodnih obilježja, a odnose se na:

- a) zabranu svih aktivnosti koje bi mogle narušiti postojeći eko-sistem,
- b) zabranu sječe šume, iskorjenjivanje ili bilo kakvo oštećenje stabala osim uzgojne i sanitarne sječe,
- c) zabranu eksploatacije mineralnih sirovina,
- d) zabranu iskorištavanja fosilnih resursa,
- e) zabranu lova i ribolova,
- f) zabranu sakupljanja ljekovitih biljaka,
- g) zabranu sakupljanja gljiva,
- h) zabranu prikupljanja primjeraka divlje flore i faune,
- i) zabranu unošenja invazivnih vrsta,
- j) zabranu pašarenja, odnosno kretanje stoke bez nadzora pastira,
- k) zabranu izgradnje, osim objekata koji su u funkciji upravljanja i korištenja zaštićenim područjem i gospodarenja šumama,
- l) zabranu mijenjanja mreže vodotoka,
- m) zabranu kaptiranja postojećih vrela, izuzev izvorišta „Muška voda“ i postojećih kaptiranih izvorišta za vodosnabdijevanje stanovništva,
- n) zabranu aktivnosti koje za posljedicu imaju gubitak količine i kvaliteta pitke vode u izvorištima i sistemima za napajanje mjesnih vodovoda,
- o) zabranu aktivnosti koje za posljedicu imaju gubitak količine i kvaliteta tekućih i stajaćih voda ili eroziono devastiranje i uništavanje površina i vodotoka, kao i površina sa stajaćim i podzemnim vodama,
- p) zabranu saobraćaja motornim vozilima, osim iz člana 16. stav (1) tačka f),
- r) zabranu upotrebe otvorenog plamena, osim na posebno obilježenim i uređenim mjestima,
- s) zabranu upotrebe hemijskih sredstava, osim dozvoljenih i odlaganja otpada,
- t) zabranu skladištenja trupaca i ostalih proizvoda šumarstva na mjestima koja nisu za to određena,
- u) zabranu uništavanja, oštećenja i otuđenja izgrađenih vrijednosti, rekreativnih vrijednosti i kulturno historijskih vrijednosti u prostoru zaštite,
- v) zabranu obavljanja samostalne djelatnosti bez odobrenja Javne ustanove Zaštićeni pejzaž „Konjuh“ (u daljem tekstu: Javna ustanova),

z) zabranu snimanja ili fotografisanja u komercijalne svrhe bez odobrenja Javne ustanove,

aa) zabranu organizovanja rekreativne aktivnosti bez odobrenja Javne ustanove ili na nedozvoljenim mjestima,

ab) zabranu parkiranja i zaustavljanja vozila na nedozvoljenim mjestima ili obavljanje neke druge nesaobraćajne aktivnosti na putevima i saobraćajnicama,

ac) zabranu obavljanja naučnih ili drugih interesnih istraživanja, bez odobrenja Javne ustanove,

ad) zabranu postavljanja promotivnih i informativnih panoa sa nazivima firmi, na području Zaštićenog pejzaža, bez odobrenja Javne ustanove,

ae) zabranu držanja pčela bez odobrenja Javne ustanove,

af) zabranu slobodnog kretanja pasa ili drugih kućnih ljubimaca, osim lovačkih pasa u skladu sa propisima koji uređuju pitanje lovnog reda korisnika lovišta,

ag) zabranu kampovanja, odnosno logorovanja na mjestima koja nisu uređena za tu namjenu, ili bez odobrenja Javne ustanove.

Član 7.

Član 13. mijenja se i glasi:

Član 13.

(Mjere zaštite u drugoj zaštićenoj zoni)

U drugoj zaštićenoj zoni (zoni B) mjere zaštite obuhvataju očuvanje, unapređenje i zaštitu izvornog stanja, a odnose se na:

- a) zabranu sječe šume, osim sječe u skladu sa šumsko-privrednom osnovom i Planom upravljanja Zaštićenim pejzažom „Konjuh“
- b) zabranu lova i ribolova ako su u suprotnosti sa zakonom i donešenim planovima — lovno-privredna osnova, ribolovna osnova i dr.
- c) zabranu sakupljanja ljekovitih biljaka osim sa odobrenjem i pod nadzorom Javne ustanove
- d) zabranu prikupljanja primjeraka divlje flore i faune,
- e) zabranu unošenja invazivnih vrsta,
- f) zabranu saobraćaja putničkim vozilima osim iz člana 17. stav (1) tačka g),
- g) zabranu izgradnje u zonama postojećih vrela,
- h) zabranu aktivnosti koje za posljedicu imaju gubitak količine i kvaliteta pitke vode u izvorištima i sistemima za napajanje mjesnih vodovoda,
- i) zabranu aktivnosti koje za posljedicu imaju gubitak količine i kvaliteta tekućih i stajaćih voda ili eroziono devastiranje i uništavanje površina i vodotoka, kao i površina sa stajaćim i podzemnim vodama,
- j) zabranu skladištenja trupaca i ostalih proizvoda šumarstva na mjestima koja nisu za to određena,
- k) zabranu uništavanja, oštećenja i otuđenja izgrađenih vrijednosti, rekreativnih vrijednosti i kulturno-historijskih vrijednosti u prostoru zaštite,
- l) zabranu obavljanja samostalne djelatnosti bez odobrenja Javne ustanove,
- m) zabranu snimanja ili fotografisanja u komercijalne svrhe bez odobrenja Javne ustanove,
- n) zabranu organizovanja rekreativne aktivnosti bez odobrenja Javne ustanove ili na nedozvoljenim mjestima,
- o) zabranu parkiranja i zaustavljanja vozila na nedozvoljenim mjestima ili obavljanje neke druge nesaobraćajne aktivnosti na putevima i saobraćajnicama,

p) zabranu obavljanja naučnih ili drugih interesnih istraživanja, bez odobrenja Javne ustanove,

r) zabranu postavljanja promotivnih i informativnih panoa sa nazivima firmi, na području Zaštićenog pejzaža, bez odobrenja Javne ustanove,

s) zabranu držanja pčela bez odobrenja Javne ustanove,

t) zabranu slobodnog kretanja pasa ili drugih kućnih ljubimaca, osim lovačkih pasa u skladu sa propisima koji uređuju pitanje lovnog reda korisnika lovišta,

u) zabranu kampovanja, odnosno logorovanja na mjestima koja nisu uređena za tu namjenu, ili bez odobrenja Javne ustanove, osim na zemljištu u privatnom vlasništvu,

v) zabranu svih ostalih aktivnosti koje mogu remetiti namjenu zone.”

Član 8.

Član 14. mijenja se i glasi:

Član 14.

(Mjere zaštite u trećoj zaštićenoj zoni)

U trećoj zaštićenoj zoni (zoni C) mjere zaštite su usmjerene na očuvanje prve i druge zaštićene zone i obuhvataju očuvanje i unapređenje ambijentalnih vrijednosti, te održanje izvornog stanja, a odnose se na:

a) zabranu sječe šume, osim sječe u skladu sa šumsko-privrednom osnovom i Planom upravljanja Zaštićenim pejzažom „Konjuh“

b) zabranu gradnje koja nije uskladena sa prostorno-planskom dokumentacijom,

c) zabranu lova i ribolova ako su u suprotnosti sa zakonom i donešenim planovima lovno-privredna osnova, ribolovna osnova i dr.,

d) zabranu unošenja invazivnih vrsta,

e) zabranu aktivnosti koje za posljedicu imaju gubitak količine i kvaliteta pitke vode u izvorima i sistemima za napajanje mjesnih vodovoda,

f) zabranu aktivnosti koje za posljedicu imaju gubitak količine i kvaliteta tekućih stajaćih voda ili eroziono devastiranje i uništavanje površina i vodotoka, kao i površina sa stajaćim i podzemnim vodama,

g) zabranu skladištenja trupaca i ostalih proizvoda šumarstva na mjestima koja nisu za to određena,

h) zabranu uništavanja, oštećenja i otuđenja izgrađenih vrijednosti, rekreativnih vrijednosti i kulturno-historijskih vrijednosti u prostoru zaštite,

i) zabranu obavljanja samostalne djelatnosti bez odobrenja Javne ustanove,

j) zabranu snimanja ili fotografisanja u komercijalne svrhe bez odobrenja Javne ustanove,

k) zabranu organizovanja rekreativne aktivnosti bez odobrenja Javne ustanove ili na nedozvoljenim mjestima,

l) zabranu parkiranja i zaustavljanja vozila na nedozvoljenim mjestima ili obavljanje neke druge nesaobraćajne aktivnosti na putevima i saobraćajnicama,

m) zabranu obavljanja naučnih ili drugih interesnih istraživanja, bez odobrenja Javne ustanove,

n) zabranu postavljanja promotivnih i informativnih panoa sa nazivima firmi, na području Zaštićenog pejzaža, bez odobrenja Javne ustanove,

o) zabranu držanja pčela bez odobrenja Javne ustanove,

p) zabranu slobodnog kretanja pasa ili drugih kućnih ljubimaca, osim lovačkih pasa u skladu sa propisima koji uređuju pitanje lovnog reda korisnika lovišta,

r) zabranu kampovanja, odnosno logorovanja na mjestima koja nisu uređena za tu namjenu, ili bez odobrenja Javne ustanove, osim na zemljištu u privatnom vlasništvu,

s) zabranu svih ostalih aktivnosti koje mogu narušiti postojeći eko-sistem i namjenu zone.”

Član 9.

U članu 16. u stavu (1) tačka f), u članu 23. u stavu (1), u članu 24. u stavovima (2) i (4) i u članu 27. u stavu (2) riječ „Upravitelj“ u različitim padežima, zamjenjuje se riječima „Javna ustanova“ u odgovarajućim padežima.

Član 10.

U članu 16. u stavu (1) tački n), u članu 17. u stavu (1) tački l), u članu 18. u stavu (1) tački j) i u članu 20. riječi „Zaštićeni pejzaž „Konjuh“ brišu se.

Član 11.

U članu 22. stav (1) mijenja se i glasi:

„(1) Javna ustanova donosi Pravilnik o unutrašnjem redu unutar područja Zaštićenog pejzaža, uz saglasnost Ministarstva prostornog uređenja i zaštite okolice Tuzlanskog kantona (u daljem tekstu: Ministarstvo).“

Član 12.

(Usaglašavanje granica)

Ministarstvo će u roku od 12 mjeseci od dana stupanja na snagu ovog zakona izvršiti usaglašavanje granica Zaštićenog pejzaža „Konjuh“ sa granicama utvrđenim planskim dokumentima.

Član 13.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina PREDsjednik
- Federacija Bosne i Hercegovine - Skupština Tuzlanskog
TUZLANSKI KANTON kantona,
Skupština
Broj: 01-02-346-14/17 Senad Alić, v.r.
Tuzla, 27.9.2017. godine

551

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 27.9.2017. godine, d o n o s i

ZAKON

O IZMJENI ZAKONA O UNUTRAŠNJIH POSLOVIMA TUZLANSKOG KANTONA

Član 1.

U Zakonu o unutrašnjim poslovima Tuzlanskog kantona („Službene novine Tuzlanskog kantona“, br. 4/10, 5/11, 14/11, 2/12, 8/13, 10/14, 9/15 i 13/16), u članu 88.